

**Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaannut nr. xx ulloq xx 2010 allannguutissatut siunnersuut**  
(Naalakkersuisut)

**Akissuteqaat**

(Inuussutissarsiornermut Aatsitassarsiornermullu Naalakkersuisoq, Ove Karl Berthelsen)

**Aappassaaneerneqarnera**

Inuussutissarsiornermut Ataatsimiititaliap qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaannut allannguutissatut siunnersuummik suliarinnilluarnera Naalakkersuisut qujassutigaa.

Naalakkersuisut naammagisimaarinnillutik paasivaat kiitilluni ajutoortoqartillugu qimmiutillit pinngitsooratik akisussaatinneqartarnerata attatiinneqarnissaa tapersersorneqartoq.

Tusarniaavigineqartut Inuussutissarsiornermut Ataatsimiititaliallu oqaatigisaat allanngortinneqarnissaanik siunnersuut iluarsisaq ukiakkut ataatsimiinnermi 2009-mi saqqummiunneqartoq 2010-milu ukiakkut saqqummiunneqaqqittoq kiitilluni ajutoortoqartillugu qimmiutillit pinngitsooratik akisussaatinneqartarnerat pillugu atorunnaarsitsinissaq tamannalu culpa ansvar-imik taarsemeqassasoq Naalakkersuisunik eqqarsarnartoqartinneqarlutik malinneqarput.

Naalakkersuisut paasivaat Inuussutissarsiornermut Ataatsimiititaliap tusarniaanerup annertussusaanut oqaasissaqarmat, taavalu tusarniaaffigisat sorliit tusarniaanerumut akissuteqarsimanersut. Naalakkersuisut tamanna tusaatissatut tiguaat.

Siunnersuut akuersissutigineqassasoq ataatsimiititaliamit isumaqatigiittumit inassutigineqartoq Naalakkersuisut naammagisimaarinnillutik paasivaat.

Taamatut oqaaseqarlutik Naalakkersuisut siunnersuutip pingajussaaneerneqarnissaminut ingerlaqqinnissaa kaammattuutigaat.